

Der Nörgler

Hunger ist der beste Koch -
Wer nix frisst der follt ins Loch
Is da Deckel amol zua –
Hot ma a von de Fliagn ruha.
Sigt den Soarg nur mehr von innen –
braucht wegnan Essen niama spinnen
Und wer vorher haklich wor –
Der verliert glei olle Hoar
Es beginnt die Haut zum schrumpfn –
Vergiss dos umannondarumpfn
Bleib schen brav liegn –
Damit die donn die Würma kriagn
Die Seel is eh im Himmel oben –
Kon ka Teifl aufegrobn
Durt wortet schon der Herrgott donn –
er sogt gonz leis: „Mei liaba Monn,
nur jetzt kann Stress, tua gonz kamot
Es kummt schon wieda alls ins Lot
Die Engel san grad unterwegs –
Schau, is daweil an Dinkelkeks -
Trink an Schluck vom Himmelswein –
Soll Frieden nun dei Weisheit sein!“